

մղված պայքարը լուսաբանող տվյալները կցկտուր են, անկասկած է, որ ամբարեկուսության հանձնումը Իվանն Զաքարյանին՝ բոլորովին էլ այնպես խաղաղ ու կամավոր չի կատարվել, ինչպես որ ցանկանում է ներկայացնել Քամար թագուհու առաջին պատմիչը: Նրա պատմածն ավելի շուտ կասկածել է տալիս, որ Իվանեն ինքն է թագուհուն հարկադրել իրեն հանձնել ամբարեկուսության պաշտոնը, այդպիսով այն խլելով, թերևս, Իվանն Ախալցիխեցուց: Իվանն Զաքարյանի և Ախալցիխեցիների միջև պայքարը, ընդ որում դարձյալ ի վնաս վերջիններիս, շարունակվում էր, հավանաբար, նաև հետագայում: Թվում է, այդ բախումների արդյունքը նկատի ունի Վրաց ժամանակագիրը, երբ պատմում է Քոսե-դաղի (Չմանկատուկի) 1243 թ. նշանավոր ճակատամարտին Իկոնիայի սուլթանի կողմից մասնակցող վրաց իշխանների մասին. «Զորապետներ նշանակեց (Ղիաս ադ-Դին սուլթանը—Ն. Մ.) Շարվաշիս-ձե Ափխազին՝ Գարդին անվամբ... նրա հետ՝ Ախալցիխելի-Քորեկի Շարվաշի որդի Փարադավային, որը փախստական զնացի էր սուլթանի մոտ և քաջ ու մարտերում անվանի մարդ էր»³⁵: Երկու տոհմերի միջև թշնամությունը կարող էր հանդարտվել XIII դ. 40-ական թվականների կեսերից, երբ Զաքարյանների գերակշռությունն ակնհայտ էր, և Իվանն Ախալցիխեցու որդի Դավիթը ծառայում էր Ավագ Զաքարյանի մոտ՝ իբրև հեջիր³⁶:

Հայ-վրացական զորքերի միասնությանն ու համերաշխությանը ղգավի հարված էր հասցնում նաև դավանական հարցերում Իվանն ամբարեկուս դիրքորոշումը: Գրեթե բոլոր հայկական աղբյուրները Գառնիի պարտությունը բացատրում են իբրև նախախնամության պատիժ՝ ի պատասխան նրա կրոնական անհանդուրժողականության³⁷: «Իվաննի բռնած այս դիրքը հայ եկեղեցու հանդեպ, անշուշտ, մի մեծ սխալ էր, որովհետև նրա կրոնական անհամերաշխությունը դժգոհություն և պառակտում էր առաջացնում հայերի մեջ, որոնք վրացիների հետ միացած պետք է պաշտպանեին Հայաստանն ու Վրաստանը արտաքին ահեղ թշնամիներից»,— դիտում է ակադ. Ն. Մանանդյանը³⁸:

35 «Վրաց ժամանակագրություն», էջ 77: Ուշագրավ է, որ «Պատմութիւն վասն ազգին նետողացի» վիպակում, «էր որդին մեծին Շարուէի առ սուլտանն ի վաղուց ժամանակաց» («Պատմութիւն վասն ազգին նետողաց», էջ 14):

36 «Վրաց ժամանակագրություն», էջ 80—81,

37 Կիրակոս Գանձակեցի, էջ 224, Վարդան, էջ 143, Միխայել Ասորի, էջ 527:

38 Ն. Մանանդյան, նշվ. աշխ., էջ 198: Սկզբնաղբյուրների այս զգուշավոր դնահատությանը հակառակ, Շ. Մեսխիան, մեջբերելով և դարգացնելով Վ. Հարությունովայի այն միտքը, թե XII—XIII դդ. «Հայկական աղնվականության ներկայացուցիչները, ընդունելով քաղկեդոնականություն, ոչ միայն դադարում էին հովանավորել ազգային եկեղեցուն, այլև հաճախ խլում էին նրանից տաճարներն ու վանքերը՝ դարձնելով դրանք քաղկեդոնական» (ՀՍՄՀ ԳԱ «Լրաբեր», 1971, № 3, էջ 90), Իվանն ամբարեկուս «հայոց հավատին և եկեղեցուն բացահայտ պայքար» հայտարարող ու քաղկեդոնական ֆանատիկոս է ներկայացնում (Յ. Յեցեոս, Առնոն Ծառուկյանի շնորհիվ և Ն. Մանանդյանի շնորհիվ Վ. Հարությունովայի մասին, 1979, թիվ 257—258): Այսպիսով, մոռացության է տրվում այն հանգամանքը, որ Հայաստանում դրոժող հայ քաղկեդոնականների համար ամենեին էլ խորթ չէր ազգային զգացումը և նրանց՝ հայ մշակույթի հարստացմանն ուղղված գործունեությունը մասամբ բնթանում էր հենց երկրորդական հանձնված վանքերում, ինչը փայլուն երևում է հենց Սիմոն